

十

8



光緒四會縣志編八

藝文志

子目凡四

經部

藝文一

尙書捷覽

已刻

明吳士燿撰士燿仁受都人見選舉志

春秋決議

已刻

明吳士燿撰

四書精言

家藏本

國朝盧男侶撰男侶龍頭舖人見選舉志

四書講義三十八卷

傳鈔本

國朝李善元撰善元廟邊舖人見選舉志

易學心源六卷

傳鈔本

國朝李太垣撰太垣橋東鋪人見選舉志

五經類記

國朝傅作霖撰作霖村美鋪人見選舉志

左傳分國編年鈔

時人吳大韶撰大韶號季樂相魁鋪人邑庠生此書蓋仿春秋年表而兼馬驢左傳事緯之長洵有功於爲左氏之學者

案藝文不當收見存人所撰然邑人著述無多故從寬錄入

史部藝文二

藝祖廟謨百篇

宋李大性撰大性社山都人見選舉志

公私利害百疏

宋李大性撰

典故辨疑二十卷

宋李大性撰府志入史評類宋陳振孫直齋書錄解題云

淳熙十三年校進載其自序一篇

自序略曰仰惟皇朝聖明相紹明良之懿著在青史坦然明白信以傳信而縷紳相屬佔畢益繁私史薦興說合鑿鑿牛朱紫苗莠混爲一區熙朝盛美未免蒙翳請略舉數端言之如梅堯臣碧雲駮非堯臣所撰孔平仲雜錄非平仲所述建隆遺事以王禹偁名而實非禹偁志怪集括異志倦遊錄以張師正名而實非師正涑水紀聞雖出於司馬

光而多所增益談叢雖出於陳師道而多所誤鑿以至王安石日錄蔡絛國史後補又皆不足以取信儒者俱常言之而未之詳辨也矧其未言者乎蓋嘗推其儔品爲說茲夥數其差舛不能殫述雖云燭火之衆於大明何傷而微塵纖埃非全鏡所宜有也然則丹鉛點勘悟疑辨惑匪書生職歟臣大懼私史踳駁或爲正史之蠹輒顛其事而正之伏自忖念衡茅之下多未見之書樸櫟之才無奇特之見固不當自置於五不韙之域以干嚴誅而孤忠拳拳所欲辨明懷不能已非敢遠慕昔人作指瑕糾繆之書以招攻訶之誚獨取熙朝美事及名卿才大夫之卓卓可稱而其事爲野史語錄所翳者辨而明之參其歲月質其名氏爵位而考證焉其或傳聞異詞難以示信以意逆志雖知其非而未有曉然依據則姑置弗辨其所辨者必得所證而後爲之說焉所辨凡二百條釐爲二十卷名之曰典故辨疑

蘇州府志

明林世遠撰世遠社山都人見選舉志

四會縣志

明顏寶修寶龍溪人見職官志

四會縣志

明蕭樟修林啓等輯樟永新人啓龍溪人見職官志

四會縣志

明彭名世修周之龍重輯名世廬陵人之龍番禺人見職官志

四會縣志二十卷

國朝李復修修吳國珩等輯復修直隸人見職官志國珩邑相魁鋪人見選舉志

四會縣志二十卷

國朝陳欲達修鄒紫客輯欲達鹽城人紫客南海人見職

官志

四會縣志十卷

國朝伍鼎臣修徐祖鞏張炳文輯鼎臣武陵人祖鞏增城人炳文番禺人見職官志

讀史類鈔二卷

未刻

國朝傅作霖撰作霖有五經類記已著錄

綏江書院章程一卷附三學章程一卷

時人吳大猷據現行事例纂刻

印金局章程一卷

時人吳大猷據初議公送學師印金原案刻

子部

訓蒙須知

已刻

明郭永達撰永達仁受都人見選舉志

教民俗語

已刻

國朝龔朝僕選朝僕仁受都人見選舉志

案府志作明龔朝瑛誤

地理研幾一卷

已刻

國朝林廷枚撰廷枚三登鋪人見選舉志時以地理家異說紛雜特撰此書俾葬親者知所適從焉

陰騭文辨疑一卷

已刻

國朝吳叔驊撰叔驊字駿良相魁鋪人此書初刻單行勸

世後附刻梁恭辰勸戒錄內

吉祥花六卷

已刻

國朝邵紀棠撰紀棠區地舖人見人物志

星學四要四卷

已刻

國朝吳廣德撰廣德羅湖舖樟村人

家訓一卷

家藏

國朝嚴中英撰中英石獅舖人見人物志

地理指要一卷

未刻

國朝吳顯時撰顯時相魁舖人見人物志

倫常家訓二卷

未刻

國朝吳祖同撰祖同相魁舖人見人物志此書乃子姪輩

各記所聞平日教誡之言彙輯而成者

醒醫條辨一卷

未刻

時人黃澄撰澄隆伏舖人邑庠生

醫門十戒一卷

未刻

時人黃澄撰

醫學心法 卷

時人梁瀚川撰瀚川字燕行順德人梁星朗之裔星朗官
欽天監博士以選擇世其家瀚川父明詒始僑居吾邑設
擇日館瀚川傳其術而兼通醫學遂著是書

以魯錄一卷

國朝龍仁壽撰仁壽相魁舖人邑庠生是書爲下學善誘

故以飲魯名燬於兵燹惜哉

地理金鑑一卷

未刻

國朝吳宗駿撰宗駿姚沙鋪人見人物志

集部 藝文四

詩文類集一百二十卷

明陳迪撰迪陶塘鋪人見選舉志

觀光集

明楊蕃撰蕃興賢都人見選舉志

靜堂集

明楊蕃撰

康谷詩集二十卷

明蘇忠撰忠大園都人見人物志

貞則錄一卷

已刻

明邑人爲林世遠母歐陽氏撰詳人物志列女篇

懷德祠集一卷

已刻

明嘉靖閒邑人爲都御史談愷撰大羅山賊旣平邑人追思謀始之功旣爲建祠復作爲詩歌以美之都爲一集卽以懷德祠爲名布政使順德岑萬爲之序

邑之有頌言何也以宣民情而達之政理不可強也亦不可抑故太古之治使人忘之其次使人懷之其次使人歌之康衢擊壤之歌曰吾日出而作日入而息耕田而食鑿井而飲帝力何有於我哉忘之至也周公居東將歸國人留之日鴻飛遵陸公歸不復于汝信宿從征之士曰旣破我斧又缺我斨周公東征四國是皇哀我人斯亦孔之將其所以懷而歌之者不旣深乎故民有心也抑之而不能止民而怨也不能強之使說子觀于懷德之篇而知大羅之功可頌也夫四會爲邑東連韶連西接梧賀北通郴桂蓋三廣之交中多大山山林麓縣互五百餘里而大羅山又特深險峒獠盤據其閒恆燭聚爲患屬者暴戾恣睢執人之父兄子弟求贖金稍不稱意卽縛殺投之溪潭中故沿山深谷閒無人敢晝行先是總督十山談公謀之藩臬諸司僉曰宜剿疏聞上可其奏乃聚兵食相機宜刻日致師

大參王龍阜公會諸道兵並進肇慶郡貳呂湘泉公實失
心協謀以共武事丁巳春兵抵賊巢賊披靡無敢拒我師
蓋俘獲斬首凡三千有奇厥功懋焉邑之士民繼自今始
有甯宇乃侈其聲歌爲頌哀之盈帙且建祠懷德肖十山
公之像禮焉配以龍阜湘泉榮公也邑令尹張君三吳白
郡守盧公連城刻石爲記舉人蔡子希尹走數百里來請
予文弁詩歌之首將鐫梓焉余惟聖天子撫有萬邦仁育
義正雖我海濱亦罔不率俾而蠢諸蠻獠敢或貽張奸宄
奪攘矯虔以干法典一時率作興事之臣乃能戮力同心
請命討賊凡厥士民孚于肝膈播之話言可謂知本然茲
役也固廟堂之成算聖天子之威靈而邑之士民若罔聞
知蓋忘之也予所謂康衢擊壤而歌者非歟談公之去也
遠近胥感焉其西歸而懷衾衣者歟茲之頌也其破斧缺
斨而皇四國者歟或曰頌言繁興何居予曰民之情也凡
音之起由人心生是故盛世之民樂其詞昌以達衰世之
民偷其詞淫以詖亂世之民憂其詞危而激忽而怒故君
子以觀民風焉孔子刪詩明王教雖孺
子婦人之歌不廢並載列國意可推也

鶴歸堂草四卷

已刻

國朝李恕撰恕仁受都人見選舉志

雙蓮紀瑞詩集一卷

已刻

國朝康熙二十八年己巳知縣陳欲達撰欲達首唱除兩
學官外作者爲邑舉人李連吳國玕拔貢陳宏烈李珍歲
貢王享爵歐陽敬林廷桓李呈霖李華黃文樹廩貢龔朝
侯附貢吳鏐黃一清廩生林諫吳衍泗何謙林棟庠生李
鼎吳國璠李長禎陸斐瑄高壯偉監生龍元福嚴炳李葱
蕭廷魁何士宏彭鼎元武舉彭斌章劉振侯邑人歐陽豹
姿歐陽際可陸寵錦吳金鏞葉程文陸炎龍佩圖羅瑛何
發濂王元侯高奏勳嚴昇李宸高嶠李先發彭埏龍靖國
蕭元弼嚴行簡嚴高劉昌仁李翔鳳劉璋林棟李潢劉桓
彭魁名周榕共五十七人連元唱兩學得詩六十五首又

林諫詞一闕王享爵復爲之序

綏之東北隅有鳳山堂其堂前田一坵泥堆沙積磽瘠而不可以耕荒蕪已久已之春邑侯陳公迎春東郊駕經其處見之不忍其曠厥土也論其主償以地租因築水而植蓮焉孟夏四月蓮開有齊頭兩莖者芬芳可愛秀色堪餐人以其爲瑞也羨而美之皆曰物之英也地之靈也余豈不謂然旣而思之物以地秀也而地亦以人靈彼夫焚林竭澤而災祲迭見者詎不欲地寶之咸登物華之並茂哉而穀蔬花果之屬摧枯而剝落何以往往卒有然也豈非地之於人不無交相爲理者乎則其中感召之微徵應之故洵非偶然矣哉公之來守於茲也留心民瘼愛惜物情政簡刑清德翔化普存諸中者慈以仁取諸身者儉以嗇見諸事者公以平令行而道旁豺獫恩覃而桑下雉馴諸生安於樂育羣品沐其栽培康阜成風禎符叶慶祥生清沼瑞應瓊葩荷同根而花開兩莖幹一竿而萼燦雙蒂戲水魚龍躍起凌霄之翼扶風鳧雁濯成冲漠之毫嫫之麥秀兩歧當必與漁陽賢太守並稱盛治共慶嘉祥一爲當時光一爲後起勸也綏之中紳矜父老輩皆有詩歌交相贊美余不能文竊不自量爲之祝曰蓮之幹兮外直中通公之壽如柏如松蓮之莖兮雲蒸露滴公之福如珪如璧蓮之苞兮花穠實茂公之嗣克昌厥後優哉游哉永其

光緒四會縣志
多祐於
是乎序

晉纓集

已刻

國朝李能發撰能發橋東舖人見選舉志

含英草堂集

家藏本

國朝盧男侶選男侶有四書精言已著錄

訥齋詩草二卷

家藏本

國朝吳一鳴撰一鳴相魁舖人見人物志一鳴雖深於詩
然不多作且不自收輯此二卷乃其孫顯時永漢所蒐存
者

嘉樹軒詩草二卷

未刻

國朝何永泰撰永泰字道宜號樂軒相魁舖人邑增生今